



## Future-proofing our children

Sekole sa Sontaga Thuto 1

Setlhogo sa Thuto

Pitso le Tsholofetso ya ga Abram: Abram le Lot

# Kaedi ya batsadi

Dithuto tsa Sekolo sa Tshipi/Sontaga Kwa Lapeng



# Motsadi yoo rategang

O amogelesegile mo thutong ya Sekole sa Sontaga ya ntlha, **Pitso le Tsholofetso ya ga Abram: Abram le Lot**

Mokwalo o go kaela mo go sa tsenelelang go arogana thuto e

**Go ipaakanya le go ruta thuto e**

Dintlha tse di latelang di go kaela ka fa o ka ipaakanyang ka teng le go arogana thuto e le bana:

Kgato	Dira
1.	<p>Tsena mo maranyaneng a 'New Apostolic Church' ka go kwala kgotsa go tobetsa 'link' ya WhatsApp ee fa tlase:</p> <p><a href="https://bit.ly/3NACSSH5">https://bit.ly/3NACSSH5</a></p>
2.	<p>Putlha tse di latelang go ipaakanyetsa go simolodisa thuto;</p> <ul style="list-style-type: none"> <li>• Baebela</li> <li>• Thuto e e ka se fetolweng e e baakantsweng</li> <li>• Lekwalo le ngwana a ithutelang mo go lone ga mmogo le pensile le metako jalo jalo</li> <li>• 'Video Clip' fa o na le yone</li> <li>• Katakasima le buka ya Dipotso le Dikarabo (tse di tlhokwa ke batlhomamisiwa fela)</li> </ul> <p><b>Elatlhoko:</b></p> <p>2.1: Nako e e siametse dithuto tse, ke morago ga tirelo ya Tshipi mo mosong jaaka e le tlhwaelo go re ban aba se k aba togologa mo tlhwaelong</p> <p>2.2. Tsweetswee dira gore thuto e nne khutshwane, o lebeletse gore bana ga ba kgone go tsepama mo dithutong nako e telele – gape o itse ngwana wa gago botoka. Sekolo sa Sontag aka gale se tsaya nako e e sa feteng metsotso ee masome a mane le botlhanano</p> <p>2.3: Setlhopha sengwe le sengwe se na le dithuto tsa sone (go simolola k aba ba iseng ba simolole sekole go fitlha kwa go ba dithuto tsa tlhomamiso).</p> <p>2.4: Tsweetswee bua le morutabana wa sekole sa Sontaga fa o tlhoka didirisiwa tse fa godimo</p>
3.	<p>Thapelo (bona sekai kwa bofelong) Kopa Modimo go go dirisa go ruta thuto e ka fa a ratang e ka rutwa ka teng.</p>



# Go ruta thuto ya Sekole sa Sontaga kwa Lapeng

## Go ipaakanya le go ruta thuto e

Re tswelera ka go go fa dintlha tsa kafa thuto e baakanngwang ka teng le go rutwa:

Kgato	Dira
4.	Baakanya lefelo le bana ba ka ithutelang mo go lone le didimetseng ebile le iketile <b>Sekai:</b> Nna lotlhe mo mmeteng/phateng kgotsa mo tafoleng
5.	Bala thuto o bo o e boelele gore o e tlhaloganye. Fa o a le 'video clip' e lebelele go re o tlhaloganye ka botlalo. Bala thuto o bo o e boelele gore o e tlhaloganye. Fa o a le 'video clip' e lebelele go re o tlhaloganye ka botlalo.
6.	Kwala dintlha tsa botlhokwa tse o batlang go di gatelela fa o ruta
7.	Tlhaloganya maikaelelo magolo a thuto a ngwana a tshwanetseng go a gakologelwa
8.	Dirisa polelo go ruta ngwana. O ka bala polelo eo fa o batla
9.	Supegetsa ngwana 'video clip' go ikgakolola maikaelelo a thuto
10.	Neela ngwana tiro e a tshwanetse go e kwalo mo lekwalong la gagwe la ithutontsho
11.	Rapela kgotsa kopa ngwana go rapela go tswala thuto.

## Didirisiwa tse di tlhokegang fa go ithutelwa kwa lapeng

Tse ke dingwe tsa didirisiwa tse di ka tokafatsang boleng jwa thuto:

1. Itomaganye le lelapa lengwe le le lone le tsayang karolo bo thutontshong ya sekole sa Sontaga ka maranyane a WhatsApp a puisano.
2. Buisana the batsadi ba bangwe go tlhaloganya thuto pele o e ruta
3. Gololesega go batlisisa ka thuto go oketsa kitso ya gago
4. Itshwaraganye le moeteledipele wa Sekole sa Sontaga wa phutego ya gago kgotsa Morutabana wa Sekole sa Sontaga.



# Thuto

<b>Thuto</b>	<b>Pitso le Tsholofetso ya ga Abram: Abram le Lot</b>
<b>Padi</b>	Genesis: 12: 1-9; Genesis 13: 1-18
<b>Maikaelelo a Thuto</b>	Bana ba ithuta gore Morena o a re goga ebile wa re kaela mo ditseleng tsa Gagwe le gore o dirafatsa ditsholofetso tsa Gagwe

## Tshoboko ya Thuto:

- Mo thutong ya tsatsi leno re a go utlwa ka Abram le Lot
- Abram le Lot ga mmogo le badisa ba bone, basadi le bana ba ne ba le mo loetong go ya lifelong le le kgakala. Ba ne ba ruile dinku, dikonyana le dipodi le ditonki tsa bone di ne di rwele merwalo ee bokete
- Mosepele wa bone o ne o baralatsa dinaga tse di farologanyeng mme tse dingwe di le bokete. Ba ne ba tsamaya bae ma fa go nna le megobe go nosa diruiwa tsa bone le go ikutsa.
- Ba ne tlhoma ditante go robala fa bangwe ba badisa ba lala ba tlhokometse ditante le diruiwa, mme segolo bogolo Modimo o ne a ba tlhokometse le bone ba beile tshepho ya bone mo go Ene.
- Abram o ne a sa ithlhophele go tsaya loeto le. Morena o ne a boile le ene pele.
- O ne a laetse Abram go tloga mo lefatsheng la ga gabo, ditsala, le ba a dirisanang nabo mme a ye kwa lefatsheng le Morena a tlaa le mmontshang. Modimo o ne a mmolelela gore o tlaa dira setshaba se segolo ka ene, gape o tlaa segofatsa Abram. Abram a tshepha Modimo ka bojotle jwa gagwe.
- Morago ga mosepele wa malatsi a mantsi, ba goroga fa nokeng e ba neng ba tshwanelwa ke go e kgabaganya. Fa ba sena go kgabaganya noka ba lemoga fa ba le mo lefatsheng le lengwe. Lefatshe le lene le na le melatswana e mentsi le phulo e e botoka go fepa diruiwa tsa bone. Abram a laela gore ditante di tlhongwe.
- Mme Morena a iponafatsa mo go Abram gape mme a mo itsise fa le ele lone lefatshe le a le solofeditseng Abram le dikokomane tsa gagwe
- Abram Ga a itse kwa dikokomane tsa gagwe di tlaa tswang teng ka ene le mosadi wa gagwe Sarai ba na bana. Abram o setse a na le dingwaga tse di masome a supa le botlhano.



- . Sengwe gape se tshwenya Abram, go setse go na le batho mo lefatsheng le, ka jalo ene le ba a ba eteletseng ke baditshaba mo lefatsheng le, mme fela Abram o tshepha ebile wa dumela gore Morena o tlaa dirafatsa tsholofetso e a dirileng mo go ene
- Tumelo e e nonofileng e dira gore Abram a nne ka boitumelo, kagiso ebile a kgotsotsetse
- Abram o lemoga gore Modimo o ba sireletsa ka nako tsotlhe mme fela kagiso mo go ene e etla e kgoreletsega.
- Badisa ba ga Abram le ba Lot ba lwela mafudiso le gore diruiwa tse di tshwanetse go nwa pele ke dife
- Abram o tsaya tshwetso go fedisa se. Ga a rate ntwana ka ke motho yoo ratang kagiso
- O tsaya tshwetso ya gore ene le Lot ga baka ke ba nna mmogo mo felong le le lengwe. Mongwe le mongwe wa bone o tshwanetse go ithlophela fela fa a ka nnang teng
- Abram le Lot baya kwa thabeng gore ba bone lefatsheng le le fa pele ga bone sentle. Abram a kopa Lot gore a ithlophela kgaolo e a e ratang. Ene o tlaa tsaya kgaolo e e setseng
- Ka fa botlhaba go na le Noka ya Jordan e ntle ka mafulo a matalana. Ka fa borwa go mmu o o nonneng ka dikotla mme dikgaolo dingwe di omeletse. Abram a letelela Lot go tlhopha pele
- A tlhopha kgaolo e e kafa botlhaba ee nang le noka le mafulo a matalana
- Jalo he, Abram a tsamaela kwa ntlheng e nngwe. O ne a kgotsotsetse. Modimo o ne o bonye dilo tse tsotlhe.
- Modimo a bolelela Abram gore a se hutsafale. A mmolelela gore a lebe mo tikologong ntlheng tsotlhe. Lefatsheng lotlhe le Abram a neng a le bona, Morena a mo solofetsa gore o tlaa le mo fa le dikokomane tsa gagwe
- A bolelela Abram gore setshaba sa gagwe se tlaa ntsifala jaaka lerole la lefatsheng kgotsa motlhaba wa lewatle
- Abram a amogela kgaolo e e neng e sa nona thata, mme Morena o ipoeletsa ka tsholofetso mo go Abram, mme seo se a mo itumedisa.

## Thuto e e raya eng mo go rona?

- Nako tse dingwe Modimo o re kopa go dira sengwe se se thata. O ba tla re mo



tshepha. Aoa tlaa re neela nonofo a bo a re segofatsa mo tseleng ya rona.

- Modimo o re neela go le gontsi mo lefokong la Gagwe. Re tshwanetse go mo tshepha gore o tlaa dirafatsa ditsholofetso tseo mo matshelelong a rona.
- Nngwe ya ditsholofetso tseo ke gore Jeso o tlaa boa go tla go re tsaya.

**Re tshwanetse go ipaakanyetsa go boa ga ga Jeso mme go kgona seo, re tlhoka tumelo e e tiileng le go tshepha le go obamela Modimo.**

## Dingwe dipotso tse di ka botswang

### 1. Ke eng Abram a ne a huduga kwa lefatsheng le a neng a nna kwa go lone?

**Karabo:** Modimo o ne a mo laela gore a phutlhe gotlhe mo e leng ga gagwe a ye kwa lefatsheng le a tlaa mo le supegetsang

### 2. Ke eng Abram a ne a tsaya tshwetso ya go kgaoganya lefele ga bedi

**Karabo:** Ke sone fela se se neng se ka tisa kagiso go emisa dintwa fa gare ga badisa

### 3. Modimo o ne a solofetsa Abram eng fa a sena go tlhopha lefatshe?

**Karabo:** Lefatshe lotlhe le Abram a le bonang, Morena o tlaa le mo fa le dikokomane tsa gagwe tse di tlaa ntsifalang jaaka motlhaba wa lewatle.

### 4. Rona re solofeditswe eng?

**Karabo:** Gore Jeso o tlaa tla gape go re tsaya.

## Thapelo ya go rapelela batsadi pele ga thuto :

*Modimo yoo rategang, ke go lebogela letsatsi le*

*Segofatsa batsadi le bana botlhe, a re ikutlwele bo leng teng jwa gago*

*Segofatsa thuto e re tlaa nnang le yone*

*Tsweetswee re rute go go direla*

*Mme o re thuse go dira thato ya gago*

*Gore re golele gaufi le wena*

*Romela Jeso go re tsaya*

*Mme re ipaakanye ke metlha go kopana Nae*